

L'AN GNÛF

di PIER CARLO BEGOTTI

I documents medievâi dal Friûl a doprin criteris di segnâ il temp che no corispuindin cui nestris; par fâ un esempli, intun testament scrit a Luvincas de Davâr, in Cjargne, il nodâr al registre (in latin) «L'an de Nativitat di Crist 1422, ai 27 di dicembar...» e plui in bas, insom de bergamine, passât cualchi dì «Intal stes an, ai 12 di zenâr...». Dicembar e zenâr ducij doi dal 1422? Il nodâr nol veve falât: al contave l'an a partî dal Nadâl (*a Nativitate Christi*) e no dal prin di zenâr come che o fasìn nô.

Di fat ancje se, daûr di une detule popolât, «il temp al è gallantom», misurâlu e contâlu al è stât un aspett une vore contrastât e intrigôs de nestre vite su cheste tiere. Par une convenzion, dut câs, si dis che o vin a pene lassât il 2015 e scomençât il 2016, numars che a corispuindin a tancj agns che a son passâts de nassite dal Nestri Signôr Jesus Crist: e simpri par chê convenzion, chel che al è intravignût prime al è considerât «prin di Crist», p. d. C. (a. C. par talian, b. C. par anglês) e nô o sin «daspò di Crist», d. d. C. (d. C. par talian, a. C. par anglês o anche A.D., Anno Domini).

Nol è simpri stât cussi: quant che Marie è vût Crist, dentri dal imperi roman a contavin il temp dal di che Romul al veve fondat la citât (*ab Urbe condita*), ven a stâi ai 21 di Avrîl dal 753 p. d. C., ma i ats ufciai si dattav cui nons dai Consui di chel an. Dal dì 29 di Avost dal 284 in centatis tieris imperiâls si tacâ a contâ i agns cul non dal imperadôr Dioclezian: par fâ un esempli, la investidure dal patriarcie di Aquilee par man di Indr IV e sarès vignude ai 3 di Avrîl dal 794. L'imperi di Rome, si sa, al è colât dal 476 e intant la religion dai Cristians e jere deventade maioritarie intal so territori. Un abât orientâl che al viveva a Rome, Dionigi il Piçul, dal



L'Anunciazion dal Agnul a Marie - culi intun quadri di Pelegrin di San Denêl (Museus Civics di Udin) - tal calendari dal abât Dionigji il Piçul e fasce tacâ l'an al 25 di Març

Contâ il temp al è simpri stât intrigôs

Des cjartis dai nodârs furlans si viôt che no simpri l'an al tache cu la date de circoncision di Crist

525-526 al mandâ für une tabele par calcolâ la Pasche di Resurrezion, che, si sa, ogni an e cole suntune zornade divierse: po ben, chest munic nol contâ i agns secont la «ere di Dioclezian», ma scomençant dal moment de nassite di Crist, fissade ai 25 di Dicembar dal 753 di Roma. Chel al deventâ l'an «un».

Plui o mancul ducj a rivarin a un acuardi sul numerâ i agns a parti de nassite di Crist: però, a nasserin tradizions difarentis su la date di jentrade dal an. L'abât Dionigi al stabilh che si veve di scomençâ dai 25 di Març, cuant che l'agnul al anunciaci a Marie che e spietave il

Frut. Chest stîl (*ab Incarnatione Domini*) nol deventâ universâl: la plui part e fasè partî l'an dal 1 di Zenâr, cussi come che a vevin fat i Romans e che pai Christians al jere il dì de circoncision di Jesus (*anno Circumcisionis*), o dai 25 di Dicembar, Nadâl (*a Nativitate Domini*), come in Friûl. I Venezians lu fasevin partî l di març (*more veneto*).

E a nível populâr, là che no si saveve ni lei ni scrivi? Scrusignant intai registris parochiâi o intai verbâi de Incusizion, o viodin che ni la int ni i predis che a scrivevin no savevin misurâl etât, la sô o chê di chei altri: o cjatin expressions tant che «O

ài plui o mancul 50 agns», «Al à pressapôc 20 agns», «A sarân 5 agns che o ai sintût chest fat». Un pâr di câs: Fabius Sclipa di San Zuan di Cjasarse, *«annorum 30 circa»*, interrogât dal 1596 se al cognosseve un accusât, al rispuinde: «Si, a saran dai 8 ai 10 agns che lu cognos»; suntin contrat agricul a San Roc di Gurize dal 1849, il fituâl Toni Culot al declare di jessi «di etât avanzade».

O podaressin continuâ cun altris citazioni, ma chestis no son dome robis dal passât. Anje fevelant ducj i dîs o sintùn a dî e o disin: «Al jere l'an dal taramot» o «Mi visi che, apene fini-

de la vuere» o «O jeri frute, no mi impensi dal an, ma dal sigûr al jere prime di cuant che si brusa la fornâs» e vie indenant.

Però cumô o sin usâts a do-prâ lunaris, lunariuts, agjendis e orlojs che a son dentri celulârs, smartphones e tablets, par individuâ datis, zornadis, settemanis e mês: une volte, invezit, si contave il temp no dome vi-santsi di chel an che al nevâtant o di chel an che al fo il sec o di cuant che e jere la vuere.

Di fat, vie pal an, la int si regolave cui sants: la tiere si le lassave a San Martin, un debit si lu paivave par San Michèle o par San Pieri, un contrat di garzonat al

podeve valê di Pasche a Nadâl o di Carnevâl a Coresime: intes cjartis antighis e modernis, i esemplis a son une sdrume. E lis oris? A misdî, sot sere, a bujnare, prime di gnot, al cricâ dal dî, al scurì... Anje i nons dai mês o determinadis zornadis a podevin ricardâ un mistir o la ande dal temp: il mês che si taie il forment (lui) si clamave *sese-ladôr*, a San Pauli di zenâr si scrusignave il cil par induvinâ la bondance o criure dal racolt. Si fissavin i movimenti de lune, di mês in mês, pai lavôrs tai cjamps: e par chest, il calendari ca di nôl al à il non di lunari.

© RIPRODUZIONE RISERVATA

In Cjargne une sdrume di biei lunaris

Te ex scuele di Dimplan tantis iniziativis in mostre fin ai 31 di Zenâr

di Celestino Vezzi

Lunari pal 2016 - Soldâts da Cleulas in guere - Il Circul cultural ricreatif di Cleulas al à volût ricuardâ ducj chei che tal temp àn scombatût pa lôr liberât e encje pa noste.

Corpo nazionale soccorso alpino e speleologico - Nassût tal 2000, il lunari al ripuarte las fotografias da attività dal Socors alpin, che al conte cirche 260 volontaris in region, metint encje in lûs la bielece das nostas monts.

Lunari di Dimponç/Imponzo - Il circul cultural Il nosti païs al à dedicât il so lunari «A foncs su pas nostas monts»avalintsi da colaborazion e esperience di doi esperts.

Lunari da Scuele primarie di Prât in Cjargne/Prato Carnico - Simpri biel, colorât, vif e interessant chest lavôr dai fruts di Cjanâl, *Sems e samenças*, il titul al pant la ricerche cun descrizioni di plantas e samenças vecjas dai orts, il non in cjanâl e in talian, curiositâts, giûcs e la liste dai mulins pre-sints in Cjanâl.

Lunari dal Circul Cultural La Dalbida di Çurçuvint - Il gei, compagn inseparabil di fadie par tante int di mont. Il gei al cjape su di se un valôr e un significât che al va plui in là da sô forme, da sô struture, da sô imâgine plui o mancul retoriche: al devente testimoneance de vite, presinice.

Lunari da Pro Tualias e Naiarêt - Nassût par câs al è al so tierç an di vite e al conte di *Magic dals*, la fotografie di Gigliola Di Piazza par documentâ i salârs di un temp (voi tramudâts pa la grande part in *mansarda*) dulà che tu cjatavas di dut, encje panôlas e fastû a secjâ.

Lunari das Plêfs de Cjargne - Di meis in meis la storie das crous das vecjas pleifs da Cjargne che si cjatin pa Scense sul giup di San Piéri.

Lunari di Rualp-Val e Fagnigola - Da 14 agns insieme i doi païs ai trate di *Cuant che si giuava cun nuua... Cò se doghega... cò gnènt*. Disegns dai giovin, raganizas par decidi cui che al tacave, giûcs di aitis


timps voi dibot dal dut dismen-teâts.

Dar schain - Cholendar va Tischlbong/Timau - Il circul cultural Unfer, simpri doprant il tamavueis, al conte *Lait in d'obarbat*, ven a jessi un riconosciment a cui che inmò al si dediche a cjere, a campagne, ai animâi tignint da cont e net il teritori.

Näš Kolindrin/Calendario Resiano - Il circul cultural di Resie Rozajanski Dum ta caratteristiche variant linguistiche roseane cul titul *Jahat tu-n Reziji Tradizioni venatorie in Val Resia* al pant sapience e tradizioni dai vecjos cjaçadôrs.

Lunari di Bordan/Bordano - Il trop Amîs di Bordan - Chei dal Lunari al à intitulât 1976 *l'an dal taramot*. Paisans e forescj àn dât fotografias e ricuarts par contâ un savoltament ma, ai scrif, «al è restât dome il nosti cûr che al à batût cu la stesse fuarce e il stes amôr di simpri par Bordan».

Lunari di Magnan/Magnano - Curât da 40 agns dal Co-



I tanci lunaris furlans che a son in mostre a Dimplan

mun e das associaisons dal païs; une vetrine par presentâ dodis pomas, cualchidune collade in dismentie tant che il meluc codogn o il cuargnolâr.

Lunari dal Barêt par Palasôl/Palazzolo dello Stella - Chei dal Lunari, sot la detule a *Palasôl vin dut*, ai presente un scandai su cetantas roubas che un temp as ere e che voi son ladadas pierdudas: stazion dai trenos, cine, centri vif di butegas... e voi?

Lunari di pre Antoni Beline/Visepente - Sul teme da misericordie, cun disegns di artiscj furlans, il lunari al ripuarte testimoneanças e riferimenti dai scrits di pre Antoni che al à dedicât la sô vite ai ultins.

GuartLunari 2016 - La Pleif di Guart a ripuarte un lamp da presinice, lungje 43 agns, di pre Laurinç mancjàt dal 2015: pre-di e amî che la comunità no dismentearà mai.

(varietât di Çurçuvint)



IN COLLABORAZIONE CON LA SOCIETÀ FILOGOGICA FRIULANA